



SAOPĆENJE ZA JAVNOST

Paljevina kuće u Dubravama **M. Tomiću dvije i po godine zatvora**

Brčko, 29.7.2022.

Tužilaštvo Brčko distrikta BiH okončalo je postupak protiv Miroslava Tomića (32), optuženog da je početkom godine u Dubravama, jugozapadno od Brčkog, izvršio provalu u jednu porodičnu kuću, a zatim je zapalio. Za tešku krađu i paljevinu, Tomiću je pred Osnovnim sudom Brčko distrikta BiH nepravosnažno izrečena jedinstvena kazna zatvora od dvije godine i šest mjeseci.

Tomiću, koji je ranije osuđivan za slična krivična djela, ali i za ubistvo sugrađanke, optužen je da je 8. januara ove godine, prethodno razbivši prozor na kući mještana Dubrava Ž. G i M. G, ušao unutra i podmetnuo požar. On je u dnevnom boravku upotrebom otvorenog plamena izvršio paljevinu trosjeda, odakle se požar proširio na preostali namještaj i druge prostorije - navedeno je u optužnici. Njemu je, takođe, stavljeno na teret da je prilikom izlaska iz kuće oduzeo dijelove pokućstva, te sanitarne i druge opreme, pribavivši protivpravnu imovinsku korist u iznosu od 385, 00 KM.

Tomić je ubrzo otkriven, a pošto je uhapšen 10. januara, intenzivno je nastavljena kriminalistička obrada slučaja i koordinaran tužilačko-policijski rad, te mu je na prijedlog Tužilaštva, zbog opasnosti od ponavljanja krivičnog djela, određen pritvor. Istragu, vođenu u čvrstoj saradnji s Policijom Distrikta, Tužilaštvo je ubrzo okončalo podizanjem optužnice. Već za nešto više od dva mjeseca od hapšenja, 29. marta 2022. g, Tomić je optužen za krivična djela teške krađe i paljevine (iz člana 281 stav 1 tačka 1 i 295 stav 1 Krivičnog zakona Brčko distrikta BiH). Optužnica je najprije potvrđena pred brčanskim osnovnim sudom koji ga je potom, nakon glavnog pretresa, nepravosnažno osudio na jedinstvenu kaznu zatvora u trajanju od dvije godine i šest mjeseci. Prije izricanja jedinstvene kazne utvrđene su mu pojedinačne zatvorske kazne od jedne godine za tešku krađu, odnosno dvije godine za paljevinu. Jednako kao i Tužilaštvo, optuženi Tomić presudu može pobijati žalбом pred Apelacionim sudom Brčko distrikta BiH.

Tužilaštvo Brčko distrikta Bosne i Hercegovine 29.7.2022. godine

GLAVNI TUŽILAC
ZEKERIJA MUJKANović